



PL
2698
L52
173
v. 14

笠翁別集卷之十目次

西晉紀

論晉武帝之得天下

論蘇頌濱謂羊祜巧于策吳拙于謀晉

論羊祜欲伐吳山濤欲釋吳

論薛瑩吾彥論吳亡

論劉毅言中正之弊

論顧榮衛玠優劣

論殷浩擬管葛

論東晉紀

論溫嶠絕裾

論祁奚舉祁午謝安舉謝元秋仁傑舉秋光嗣

論陶侃綜理微密

論王導不救周顗之難

論桓元僞旌隱士

論南北朝紀

論揚雄陶潛之出處

論檀道濟量沙孫臏滅竈

論謝朓何點何胤孰優

論梁武帝好生

論夏禹葬葬梁武莊四

論高歡遺慕容紹宗于其子太宗委李勣于高宗

論王通獻太平十二策

唐紀

論唐太宗周秦修短之議

論唐太宗以弓矢建屋喻治道

論魏徵才行之對

論唐太宗于殿庭教射

論魏徵十思十漸

論魏徵王珪事太宗

論太宗圖功臣于凌烟閣

論太宗自觀實錄

論唐太宗論將

論蘇章之案事張鎮周之治百姓

論高宗之立武氏褚遂良叩頭極諫

論盧承慶考功

論漢武帝之憚汲黯唐元宗之憚張九齡

論開元賢相

論唐因鵠巢獄樹賜牛李進爵國公

論唐兵三變唐文三變

論唐之再失河北不能復取

論郭子儀不却魚朝恩之遷

論唐相楊綰而郭令公減樂黎幹省黜崔寬毀筆

論常袞崔祐甫用人得失

論李瓘告父之反

論陸贄請令臺省長官各舉屬吏

論韓愈歐陽修之論陽城

論杜黃裳請討劉闢專任高崇文勿置監軍使

論帝王勞逸得失

論李絳策魏博

論李吉甫李絳之論刑賞

論柳宗元以柳易播

論裴度上蔡邕用兵憂勤機畧

論柳公綽不誅賊吏而誅舞文

論司馬公論處郭誼

論王式談兵

論鄭繁進退之節

五代紀

論郭崇韜料梁

論康澄論事

論桑維翰輔晉

論晉以馮道守司徒

論劉知遠先正位後興師

論劉仁瞻守節

宋紀

論先儒謂取天下上世以德中世以力末世以謀
論宋太祖之得天下

論趙普之計太原

論趙普之諫太祖

論陶邴登第宋主命中書覆試

論曹彬曹翰同一宋將其後有榮盛衰勸之不同

論王旦不諫天書

論魏野林逋之品行

論王旦不與張師德知制誥

論宋太祖之待李超漢

論宋理宗訓廉謹刑二銘

元紀

論文天祥之全節

論元世祖之待文天祥

簡示世源之部文天祥

簡文天祥之全簡

示源

簡宋陳宗周源之全簡

簡宋太師之部李源

簡王旦不與陳宗周源之全簡

簡陳雅林源之全簡

笠翁別集卷之十

湖上李 漁著

壻余三垣紫臣
男 將蟠仙根
全訂

西晉紀

論晉武帝得國

武帝炎司馬昭之長子懿之孫也。魏文帝病篤懿受顧命。初武帝察懿有狼顧相。又夢三馬同食一槽。因謂太子丕曰。司馬懿非人臣也。必預汝家事。太子素與懿善。故得免。及懿卒。昭自爲晉公。加九

錫後弑帝髦而立璜爲帝及璜薨後又進爵爲王
昭卒炎繼父爵遂篡魏國號晉。李卓吾曰懿于
曹丕至善也曹叡之愛懿亦至懿蓋兩朝顧命臣
非孟德父子之于漢比也既受其託殺而奪之豈
其主有劉禪之庸孫皓之虐者乎夫庸如劉禪而
蜀之君臣如故也虐如孫皓而吳之君臣如故也
必如司馬氏父子則君之視臣如股肱心膂者反
引而納之蕭牆之內也一介之士必有密友令有
國者將奚託哉不容不以篡弑論矣

天之反曹
即以前之
所出反之
也謂昭與
我曹氏
之肖子非
曹氏之逆
臣可謂千
古之快談
第曹之取
漢取之于
羣雄之手
司馬氏僅
取之曹氏
之手反者
其易出名
何難于萬

豈翁曰司馬昭父子之篡魏其悖逆不道
皆知之矣然論者皆謂昭炎之罪過于操不
為不然夫晉之篡魏非創舉也殷受夏周受殷夫在
所受之耳魏得天下于漢既以臣而弑君矣能保後
代之臣無一效先王之懿範而繼其芳軌者乎是昭
之弑君魏武教之炎之篡位曹丕教之然則昭與炎
者非魏之逆臣乃魏之肖子也魏晉之相去不過四
十餘年而考其所行之事無一不合符節噫天道雖
好還然不料其神速至此也吾謂從來得天下者皆

世而人
何為其
難者
主望如評
謗云父為
羊生子猶
恐為狼而
況偶之以
不義乎昭
與為嫌
管子此論
最奇亦最
確

以人得獨司馬氏之天下乃天饋曹氏之悖逆奪而
予之者也如其不信請以曆數計之兩家之天下皆
以篡弑得魏僅享國四十餘載而晉之曆數幾四倍
之觀于國祚修短之不同即知天心予奪之非謬矣
雖然國雖未失于他人而禍患屢生于骨肉倫殺后
而問殺倫問殺倫而類殺問以致中外之人交乘其
弊篡奪相仍靡有暇日又詎非以亂易亂之報歟
笠翁又曰有詰予者云司馬氏之曆數較之曹氏亦
不為久以世祖至孝愍僅五十餘年而晉祚斬矣若

宋者實爲小吏牛金之私亂當時有牛繼馬後之
謠與司馬氏何涉予曰然此語見諸載籍予知之久
矣但不敢以莫須有之情事尚論古人亦信其可信
而闢其可疑者而已矣中宗之母通于小吏牛金也
當時未必無其事但中宗之屬牛屬馬卽爲之母者
恐亦未能自決况他人乎又况後世之人乎牛繼馬
後謠也非傳國之實事也若呂不韋以懷娠之妾扶
秦太子異人其事之在當年必有獻妾生子之日月
可考豈若唐堯漢高之母以十有四月而生之者哉

以如此可據之事。後人亦僅傳疑。稱秦氏者。必曰。秦而不曰呂。秦則中壽。驢豚之情。不可信。以爲實。明矣。我輩于庶民之家。尚不敢齒其陰事。況以落筆考據之事。而謗歷代帝王乎。雖然。謂秦始皇之姓呂。吾口雖不言。心實信之。謂晉中宗之姓牛。則心口相商。皆不敢信。以爲是也。古人已死。呼牛呼馬。彼不能應。第當于之以可據耳。

論辛祐欲伐吳山濤欲釋吳

辛祐進伐吳之計。山濤退而言曰。自非聖人。外寧

江北海評

伐吳勝則

有功不勝

則不免于

咎不若巨

源一二道

學語既得

大體又得

能無失無

害也或亦

居有要訣

歟一笑

必有內憂。今釋吳以為外懼。豈非筭乎。

笠翁曰。古人之言。有後人明知其是。而斷斷不可從者。如范文子外寧必有內憂。釋楚以為外懼之類是也。彼曰。自非聖人。外寧必有內憂。然則堯舜禹湯文武以後。寧有幾聖人。苟執此語。謂敵國斷不可滅。則三代以後。不當復有混一之時矣。且無事遠引。卽以晉之敵國論之。蜀之未滅于晉也。劉禪之為君。亦中人以下之資耳。倘幸而混一中原。未必不至于驕奢淫慾。而孔明兩表出師。其為滅吳取魏計者。可謂

不遺餘力。豈孔明未嘗讀書。不知外寧以後。將有內憂之足慮乎。其必欲為此者。亦曰緩則顧其後。急則顧其先。與其慮後而失之于先。無寧取之于先。而再為善後計耳。羊祜請伐吳。此千古不易之論。山濤之言。未免膠柱鼓瑟。雖有荒淫之後。驗亦不幸而偶中耳。

王隣輩評羊祜亦言平吳之後。當勞聖慮。則山濤未言。祜已先言之矣。濤言豈足信哉。宋太祖云。臥榻之側。豈容他人酣睡。大一統之君也。

論蘇頌演說羊祜巧于策吳拙于謀晉

五望如評

晉祚中延

正賴取吳

一若若當

年晉武不

取則駭子

羊祜守襄陽。知吳不能久。陳可取之計。武帝納之。
祜又進王濬。杜預。以成滅吳之功。後世皆稱其美。
蘇頌頌謂羊祜巧于策吳。拙于謀晉。以吳人之後。
武帝荒于女色。蔽于庸子。疎賢臣。近小人。遂致禍。
崇藩國。所以光亡國之禍。不若釋吳。以為外懼。則
武帝猶得為賢君也。

笠翁曰。外寧必有內憂。一語自范文子說過之後。無
人不能道之。故山巨源一聞伐吳。即引此語為証。是
此題此論。晉人已發之于前矣。何煩頌濱再道乎。

翻直諸王
 弄兵彼劉
 石輩且奮
 起中原矣
 設非瑯琊
 南鎮江左
 有夷吾何
 以苟延百
 餘年之統
 哉尚論者
 正不得苛
 責叔子

貴乎作論者以前人未發而我發之也巨源此論
 是效顰于文子奈何復有穎濱者起而效顰于巨源
 乎况巧于取齊拙于取楚又屬前人之餘唾乎若有
 老蘇大蘇斷不出此吾以是知三蘇文字不無強弱
 優劣之分也

陸梯霞語言人所嘗言不肯言人所未言是文章
 把隱處恐後世司選政者未必皆如笠翁其人也
 試觀坊刻一集中有幾紙奇文能較前人所未發
 者哉不若寄人籬下得則美歸于已失歸于人代
 任其咎如欲言蘇而後非是者必先告由巨源欲
 言山巨源其是者必先告范文子然范文子之
 坐位已定就取點之便下哉此近代文人之秘
 訣而笠翁必欲反之難乎兒于雖黃之口矣

論薛瑩吾彥論吳亡

孫皓降武帝問薛瑩曰皓何以亡對曰皓昵近小人刑罰放濫大臣諸將人不自保此其所以亡也他日又問吾彥對曰吳主英俊宰輔賢明而卒亡若是何故亡彥曰天祿永終曆數已終陛下下禽耳帝善之

笠翁曰二臣之言判若蒼素皆有深意非故相牴牾也薛瑩意在規諷因武帝有自滿之意故以昵小人濫刑罰危羣臣之言對謂孫皓以驕肆而人不

全錄別錄卷之十
可不鑒其失也。吾彥意在貶損。因武帝有誇功之意。故以天祿永終。曆數有屬之言。對謂吳乃天內之非。我國得而內之也。二者皆藥石之言。而薛瑩之藥較。吾彥之藥尤爲對症。惟怪其少荒淫一語。爲羊車作前轍耳。

論劉毅言中正之弊

初陳羣以吏部不能審覈天下士。故令郡國各置中正。州置大中正。皆取本土之人。任朝廷官。德充才盛者爲之。便銓次等級。以爲九品。吏部憑之以

補授百官行之浹久中正或非其人奸蔽日滋劉
毅上疏言其損政之道有八當革去之更立一代
之美制帝雖善其言而不能改

竺翁曰九品官人之志足以獎勵賢才區別優劣
而行之不爲無補于世但令分設于郡國則政出多
門無所統攝是銓部之權輕而中正之權反重矣
天官一職遂爲贅瘤乎哉至用本地之人任本地之
事則又爲衆弊所叢萬無是理夫天下有幾郡奚可
能爲內不避親外不避怨之事乎無論此法當罷于

終且併不當行之于始。晉魏之疵政多端。而陳羣中正之法。又其最著者也。

論顧榮衛玠優劣

少微編顧榮衛玠並書卒。史綱但書前太子洗馬衛玠卒。而不書顧榮何耶。以榮之反覆不臣也。始事吳繼事晉復事趙王倫。又事齊王冏。又事長沙王乂。又事成都王穎。改更君父。有如傳驛。後雖輔元帝有功。然不補罪矣。玠少年遠識。勸兄致身於母。避亂早絕王敦之交。况所謂不及可以情恕。非

趙石公評
從風神秀

意可以理通。此篇神乎聖賢之遺矣。其一篇一
割豈無爲哉。衛風神秀異。離離時乘白羊。三
市上人爭羨曰。誰家壁人後。從豫章至白下。觀
如堵。玠有羸疾。遂死。時謂有教衛玠。玠伯微曰。
人有不及。可以情恕。非意相干。可以理通。此玠之
養也。知王敦之不忠。此玠之識也。玠之得爲名士
以此。若如本傳前後所載。不過一美少年作態者
耳。

笠翁曰。觀鍾伯敬之論衛玠。可謂善讀善書者矣。然

異中尋出
衛家名士
范曄正論
亦在晉書
字句之外

晉書別集 卷之一

藏板

予復有邊見。謂叔寶之可敬處。不在晉書字句之中。
而在晉書字句之外。何也。男子而有德。固足傳矣。美
男子而有德。其賢于人者。又加一等。以其有德。而論之
其也。陳平美如冠玉。而盜嫂受金之事。終為時論所
鄙。潘岳雖無潘行。而本傳載之曰。道遇婦人。皆過手
攀繞。投之以果。遂滿載而歸。夫男女授受不親。禮也。
攀之以手。而不辭。投之以果。而輒受。則其德。得可知
矣。叔寶風神秀異。當世呼為璧人。甚至為人看殺。則
當年姿貌。無出其右。可知。而本傳及別傳所載。無一

其可議之事。以崇尚風俗之。晉代而生此。溫然。
如玉之。佳人。無他事可紀。豈非末俗一聖賢。況
能情。恕不及。與。道。芽。意。善。絕。匪。交。是。美。其。外。而。復。美。
其中矣。安得不見重于士類。而以特筆予之哉。史。劉。
書。卒。正是看殺衛。靖。之。年。也。或者前此之年。猶。難。保。
其。必。無。失。德。而。直。待。蓋。棺。之。後。予。以。定。論。未。可。知。耳。
論殷浩擬管葛

殷浩字彥深累辭徵辟時人擬之管葛謝尚王濛當
伺其出處以卜江左興亡相與省之知浩有確然

之志相謂曰深源不起如蒼生何簡文輔政徵爲
刺史久之乃出命平中原兵敗桓溫疏其罪廢爲
庶人徙東陽但終日書空作咄咄怪事四字後溫
將以爲尚書令遣書告之欣然許焉將答書慮有
謬誤開閉者數十竟達空函大忤溫意遂絕

遺石公評

謂空函即

是沉書之

類可絕

諸而讓

更結法

晉之否

陸麗京評

空函所謂求全得毀詎非咄咄怪事
因撲案狂笑曰此即空書之奇也
空函所謂求全得毀詎非咄咄怪事
凡人舉動

有此人
名出
其地
其地
其地

常而令人不解爲何故者皆將來休咎之兆也噫以斯人也而擬之管葛舉殷浩者則至矣其如管葛何哉

竺翁又曰殷浩之達空函非止爲咄咄書空之驗亦其父洪喬爲人致書而不達浮沉于江之顯報也洪喬名美爲豫章太守都下人士因其致書者百餘函行次石頭皆投之水中曰沉者自沉浮者自浮洪喬不爲致書郵後人論此事盡以孤高介立許之李子獨曰若是則受人寄託而有不終其事者皆可謂

高介立之士矣。使洪喬而果爲孤高介立之士，則當其授書之日，何不正色拒之？乃旣受其託而復浮沉于江，是不信不忠不義，而且兼之以不情矣。奈何不加貶斥而反以孤高介立許之哉？爲之後者不須假手他人而自解浮沉，其書牘則天之報施此輩亦何其巧而且暢哉！予往時游戲筆墨，嘗代晉人作書以讓之，附載于左，以資觀者一噓。

戲爲晉人讓殷羨書

某某全頓首。洪喬足下。遙讀洪喬恩威所被，更

民交格古今以宦名傳章者仲舉
三風承綢帶與有量獨憶洪喬
等曾以赫蹏若干幅仰附行李展
問故人悲交淡
形忘不覺鄙事爲喪舊許洪喬信
友有勿受受則
分致久矣今遲之歲月嗣音杳然
深訝故人簡帖
盡默然不應始而怪既而疑疑而
更訊始知洪喬
耻作致書郵翼次石頭悉浮沉於
江矣僕輩始喟
然曰賢者之不可測遂如此乎僕
輩自省亦甚問
於物情矣洪喬何人二千石何官
而魚雁使之耶

雖然古之君子然諾自慎與其負人于末無寧生
人于初使洪喬當授書之日嚴辭以謝曰某奉天
子命往釐是方勅止舉措咸繫觀瞻而猥與人關
通筆札代致寒暄非所以肅官箴示民聽也不敢
奉教則僕等方頓首行旌謝過不暇敢復強乎乃
蒙大雅並賜鑒錄是徐生之劔已許之于心何於
陵之肉乃哇之門外母乃衡之本末自刺謬乎幸
而所以爲託者祇尺一書耳使僕等不幸一日以
妻子累洪喬豈亦曰泣者自泣呼者自呼洪喬豈

汝順義歟乎。且洪喬公輔之器。不特外補。然既拜
州命。卽當俯視州事。又豈待以民者。曰民士者。曰
士。洪喬豈爲州從事乎。吾知洪喬必不出此特借
細事。明不屑耳。然君子一言一動。民胥則効。茲洪
喬投諸江。知非詭詞也。僕虞後世爲人致書而失
之。或且有隱匿假借一切鄙細之行者。皆託石頭
城故事。以自解。洪喬不幾作千古巨信之俑乎。匿
怨而友。左丘所耻。敢不辭慙。直以白下執事。然君
子所爲。衆人不識。在洪喬必自有說。其明教解惑。

幸其

東晉紀

論郝奚舉午謝安舉元狄仁傑舉光嗣

春秋時晉中軍尉郝奚請老晉侯問嗣焉郝奚舉其子午以自代。晉武帝時詔求良將謝安舉兄子元以應。郝超曰安能違衆舉親元實不負所舉。○唐中宗時太后命宰相各舉尚書一人仁傑舉其子光嗣已而稱職太后喜曰卿足繼郝奚矣。笠翁曰郝奚之舉午謝安之舉元狄仁傑之舉光嗣

三人智能

千載一燈

王明果斷不待辨論而知之矣。後世論人者。非美
奚安。仁傑之能。蓬萊舉親。卽贊午元光嗣之能不負
所舉。總不出郅超二語之範圍。獨鄙見不然。以爲三
事之所難。不在臣而在君。不在能舉與不負所舉。而
在其君之信任不疑。卒能成其所舉。夫千古上下爲
父兄而如奚安仁傑之明。爲子姪而如午元光嗣之
賢者。豈少其人哉。爲父兄者。孰不欲成子姪之功名。
爲子姪者。孰不欲成父兄之心志。所慮世不我與。而
有君父疑之于前。同列議之于後。言出口而謗隨之。

徒足以償國家之事耳。三君子舉親之日，豈遂盈廷
諾諾，絕無非議之詞哉？乃人主信而任之，不爲衆口
所惑，此人情之最難較，不避親與不負薦者，奚啻十
倍。故凡臣子盡忠而能成其功業者，其美不當盡歸
于臣，而君父信任之力居多也。

論溫嶠絕裾

晉室傾覆，瑯琊王初鎮江左，劉琨遣溫嶠奉表詣
建康，勸進其母崔氏固止之。嶠絕裾而去，既至，屢
求返命，朝廷不許。會琨死，除散騎侍郎。嶠聞母亡，

北海評

太真一出

能便大節

煩雖光

史册彼依

遙廷雖者

難日奉三

則何益

丁中

若夫

則遠

則小

出亂不得奔喪固讓不拜
未臬諸軍奉迎梓宮猶未得進嶠可以私難而不
從王命耶嶠不得已受拜

笠翁曰晉室復興江左諸臣之力也然王導值王敦
之亂陶侃煩萌異心思折翼之夢而止是皆不得已
純臣求其乃心王室無一毫疑貳之見又能力整
猷使國祚危而復安者惟溫嶠一人而已歎鑒來之
祖葵又次之溫嶠之遇主始於奉表勸進使當辭
出止之時拘守常人之節不能絕裾而往孝則孝

不。如。死。不。絕。之。愈。矣。

藏板

其如宗社之覆。生民之塗炭。何不辭背母之名。致匡君之實。其明可及。其斷不可及也。顯親揚名。較之承歡膝下。豈無間乎。然子竊有疑議。不能釋然於中者。以嶠詣闕之後。即不能復見其母。是絕裾之日。即承訣之時。人子之情。孰有抱疚於此者哉。既不能終養于生前。又不獲奔喪於死後。則當於干戈稍靖之日。廬墓經時。哭泣致哀。以塞終天之恨。何子讀史終篇。絕不見有一語及此。豈有其事。而史官未之載歟。抑嶠爲國忘家。實未嘗計念及此也。吾謂凡人於

他事可忽。獨於君親大倫。無論至性所在。情不容
即屬故事。虛文亦不可缺。慮後世。春秋責備賢者。吾不敢
忽之。則忠孝漸淪于非是矣。春秋責備賢者。吾不敢
以太真功業之盛。輒有恕詞。

余澹心評。溫太真。晉代第一流人物。余每觀其待
錢鳳一段。輒下酒一斗。獨絕裾之事。未免。顧千古
之議端。李溫陵列于殺母逆城之條。傷乎遇刻。得
笠翁推見至隱。即太真復生。亦無辭以對此真門
係細常名教之文。不可作尋常論斷觀也。

論陶侃綜理微密

陶侃都督荆襄。嘗造船。其竹頭木屑。皆令籍而掌。

之人咸不解所以。後正會積雪初晴。廳事前餘雪猶濕。乃以木屑布地。及桓溫伐蜀。又以侃所貯竹頭作釘裝船。其綜理微密。皆此類也。

余澹心評

此段議論

自竺翁說

出遂確乎

其不可拔

予嘗謂陶

長沙非純

臣阮嗣宗

非孝子李

膺非大

將胡致堂

非真儒微

竺翁曰。陶侃綜理微密。使竹頭木屑皆適于用。先儒莫不嘉之。謂凡觀人者。恒卽小以觀其大。觀忽而料其成也。李子獨曰。此田舍翁作家之恒情。齊菜傭聚黃葉作壘之故智。何補于英雄大計。而古今藉藉目爲嘉事而艷稱之哉。經大費者。不惜斗筲建鴻猷者。詎親籩豆。昔平原露朽財帛。千古不以爲非。孟敏不

新誰與
發其狂言
也耶

顧璣既而郭林宗重其品嚴若以侃視之無論乎原
之財帛在所必惜即孟敏之車既破則破矣焉知不
可補綴而用之何遽暴殄天物之若是哉噫士行
之器于是乎小矣他日于蘇峻之亂聞京師失守而
無意勤王雖為溫嶠所強乃兵既發而復進還食有
餘而不肯貸此即由綜理微密之意而推之者也非
得嶠之恐喝怵于義旗迴指之言詎能終其偉烈哉
史稱其瓌瑤珍異富于天府未必不由竹頭木屑積
累而成後世作家翁皆取法于此由此觀之侃乃一

代之。各人非千古之傑士也。

汪北海許上行藏竹頭本屑與惜陰運璧同意皆
刻刻留心世務者但經世之略貴持大體陶士行
失之太細與凡北海失之太疏其弊一也有心世
務者當取東坡文舉序贊與笠翁此論兼錄一通
置座座右亦可當
韋法之佩耳

論王導不救周顗之難

王敦反議者勸帝盡誅王氏司空導帥其從弟及
諸宗族二十餘人每旦詣臺待罪周顗將入導呼
之曰伯仁字顗以百口累卿顗直入不顧既見帝言
導忠誠申救甚至帝納其言顗喜飲酒至醉而出

導又呼之。顓不與言。顧左右曰。今年殺諸賊。金印如斗大。繫肘後。既出。又上表明導無罪。切至。導不之知。甚恨之。帝還導朝服。執手慰。爲尚書右僕射。後數欲誅周顓。周顓導不答。收送誅之。他日。導料檢中書故事。見顓救已之表。親之流涕曰。吾雖不殺伯仁。伯仁由我而死。幽冥之中。負此良友。

笠翁曰。周顓子王導。以生王導。隨周顓以死。以怨報德。千古盡爲不平。然尚論者。但知罪導之不仁。而不

知罪顯之不智皆一偏之論也。予獨謂此事之可恨者不在導不救顯而在顯之救導導與敦從兄弟也。敦之必反帝及朝臣皆知之。豈爲導者反未之覺。從無一語入告。直至稱兵犯順。朝臣有盡誅王氏之議。始帥族人詣臺待罪。旣待罪矣。又無甘心駢首之念。乃欲以百口累顯而作搖尾乞憐之狀。是其人一無可取其罪一無可原顯之中救甚至果何謂耶。若謂其從龍最早勲業可嘉。吾或信之。乃始則言其忠誠。繼則稱其無罪。夫兄爲叛逆而不能隱消其患。可謂

此乎。而不告可。謂誠乎。逆臣之族法在必誅。又烏
得為無罪乎。且中外諸臣如劉隗刁協溫嶠劉胤輩
皆力能滅賊。其不欲圖之于早者。以導在政府。之
有投鼠之嫌耳。使于此時役之。則中外人心一無所
忌。奮力殺賊。何逆首之不可竿乎。若慮教導之後。救
勢愈橫。則免死可矣。復相之命可暫停乎。救其死
不阻其相。是明張翥賊之勢。暗鑒滅賊之心。而以忠
良之要領遺賊矣。不顯之殺將誰殺乎。當時朝議
晉室危而後安。係導以大義滅親之力。試問敦之死

也。天之亡乎。人之亡乎。使敦不以疾死。則雖有如
者。十輩在朝。亦惟有拱手聽命而已。王與馬。豈特其
天下而已哉。故晉祚之復延。幸也。非人力有以致之
也。

蓋翁又曰。史載周顗殺身一事。可謂千古酒人之誠
蓋顗之死。非人殺之。酒殺之也。使于見帝申解之後
出宮。遇導止于呼而不答。亦不失大臣之體。安知非
以不救爲救。不答爲答耶。奈何酒入舌出。以殺賊取
印之狂言。致延顗受戮之奇禍。此居官嗜飲之明鑒。

然未必不有以致之。予嘗謂若宮嗜飲。非養生之福也。酒後折獄。不無失入之虞。酒後行兵。必多誤殺之慘。頭一生使酒。嘗于醉行。忤旨。帝手詔付廷尉。累日方赦之。自是屢犯酒過。爲有司所繩。初在中朝。能飲一石。及過江。雖日醉。每稱無對。無有對。從北來。頭出酒二石。對飲。各大醉。及醒。醒。客已。思。營而死。跡是觀之。則其酒後失檢。以人命爲戲。當不止此一二事矣。前此爲刺史。爲將軍。時安知不以使酒殺人。而于此時自食其報耶。吾欲天下後世之名公卿。皆以

周○凱○殺○身○之○事○爲○戒○而○有○兵○戎○民○社○之○責○者○不○致○以○
海○內○蒼○生○爲○下○酒○物○則○作○史○之○人○與○論○史○之○人○皆○不○
爲○無○補○于○世○耳○

論桓元偽旌隱士

桓元受禪以前世皆有隱士恥獨無之求得皇甫
希之使居山林徵爲著作郎又使固辭然後下詔
旌禮號曰高士時人謂之克隱

笠翁曰桓元此舉雖屬千古笑柄然能於熱鬧場中
忽然布此冷局不可謂非礪世磨鈍之心也從來篡

汪北海評

古有克隱

又有依隱

隱士中有

然恒元之
 待希之伯
 知懷士之
 近車不若
 希之伯
 待之不
 望士之當
 重如
 勝時方之
 謝斯者也
 笠翁子之
 以禍世磨
 鈍其心其
 苦似不獨
 爲晉人立
 說

位之臣。皆恐人心不屬。其於山林隱逸之士。強之使出者。則有之。閉之使入者。子實未之見也。蓋以晉風偷薄。凡爲士。顛者祇知得祿之爲榮。不念失身之可恥。昔元受禪之日。蛇行鼠伏於其庭者。不知凡幾。簪笏多而稷勸少。使田野荒而不治。亦盜竊神器者之憂也。於是不得不強設一人以風礪之。元之心亦良苦矣。彼皇甫希之者。使當時止有著作郎之微。而無山林資用之給。則必爲輕舟諸闕之謝朓矣。欲求一長年克隱之士。其可得乎。噫。吾不料晉士之賤。遂至

於此。

陳植三評。每讀晉人克隱之號。及吳中高士。直是求死不得之語。未嘗不噴飯鼓掌。而歎昔人譏刺之名。不更刻耶。然實是誅心之論。

南北朝紀

論揚雄陶潛出處

揚雄歷成平哀三世不徙官。坐劉棻事下捕。時雄校書天祿閣。聞捕至。從閣投下。幾死。後葬見雄太玄法言盛稱莽功德。又有劇秦美新之文。乃免。綱目于其沒也。書莽大夫揚雄死。陶潛爲彭澤令。吏

吳梅村評
不特為五
柳傳神又
為五斗生
色從來須
隱士之高
者必曉衣
冠為世堪
見非善願
隱士者也

請束帶見督郵潛曰吾豈以五斗米折腰即解綬
歸賦歸去來辭著五柳先生傳至劉宋移國累徵
不起綱目特以晉處士書之○焦弱侯作論為雄
詳考出處履歷謂其並無投閣美新之事

笠翁曰莽大夫晉處士六字是二人已有定評
再為蛇足矣焦弱侯為雄力辯謂處士晉書無
投閣美新之事若是則綱目亦非信史天下豈無
讀之書矣欲使天下之人不信綱目而信文人之
斷則恐含冤抱屈者又不止一莽大夫而已也不若

卷之十一
芥子園

欲。顯。隱。士。之。高。必。有。艷。稱。冠。冕。預。為。山。林。起。一。層。地。步。使。人。知。作。事。之。榮。如。此。而。彼。不。以。為。榮。則。其。所。尚。可。知。已。翁。不。肯。正。煞。五。斗。正。是。人。揚。靖。節。處。此。稱。功。績。德。之。法。也。操。觚。

終。屈。揚。雄。以。從。綱。目。之。誤。然。君。子。不。以。人。廢。言。卽。有。投。閣。美。新。之。事。而。雄。之。可。取。者。自。在。不。能。使。太。玄。法。言。二。書。與。投。閣。之。軀。並。朽。也。取。其。才。而。已。矣。

笠翁又曰。五柳先生之賢。古今如出一口。從而贊之者。皆是益土壤于泰山。無所增于其高也。但其解綬歸田一事。說者皆云有激而然。予獨曰。出其素志。五斗折腰之說。不過一時寄託之言耳。若曰。果由于此。則其初授彭澤時。卽當堅辭不出矣。世豈有不折腰之縣令乎。肯折其腰者。不必五斗。卽升合亦且甘之。

知家不可不

不則懸二千石。前其傲然不辱如故也。公賦歸之。來辭有云。雲無心而出。山無鳥倦飛而知還。其初令彭澤也。卽爲出。山之雲其辭。故言歸也。卽爲知還之鳥。鳥之思還。不必爲人所歸。人之思歸。豈盡因事所。蓋以督郵至縣之時。適值歸興方濃之際。其意。吾早晚言歸。不若省此一番。若折故解綬而去。張翰思歸。念切。偶值正美之時。假此閒情。遂。初服非果有草鱸之癖。而故舍其官以就之也。若。爲縣令者。盡以五斗折腰爲耻。則朝廷之禮法可。

而從來折節以事上官者皆爲辱人賤行矣。凡讀古人之書論前人之事者。蓋當畧其跡而原其心。以領編所載。皆古人之糟粕。其心事不可言傳。只當以意會耳。

論檀道濟量沙孫臍滅竈之同異

檀道濟伐魏。多捷。以食盡引還。魏人追之。道濟夜令唱籌量沙。魏人知其糧給。不敢追。齊以孫臍伐魏。臍至魏。令軍曰。滅竈誘之。隴。洧。喜曰。知齊兵素怯。入吾地三日。亡者過半。併日追之。臍伏兵焉。

劉。洪。之。論。也。者。
 之。論。也。者。
 池。中。之。後。
 皆。能。感。於。
 虎。豹。矯。如。
 龍。蛇。不。善。
 用。兵。者。符。
 堅。投。鞭。斷。
 流。之。眾。元。
 英。文。甲。躍。
 日。之。指。婦。
 是。弱。子。婦。
 人。膽。如。枯。
 朽。斃。翁。以。
 作。文。為。喻。
 知。兵。哉。知。

陵萬弩俱發。消自剋。太子被執。

笠翁曰。道濟之量。沙與孫臏之減。竈雖是一幅衣鉢。
 然中間却有一段過文。不可不知其來歷。蓋道濟之
 量沙。乃從虞翻增竈得來。虞翻之增竈。則從孫臏減
 竈得來。所謂愈出而愈奇者也。行兵之法。與作文同。
 善作文者。讀古文一篇。可化出時文數十篇。而又無
 摹倣古文之跡。善行兵者。得古人一術。可變出後人
 千萬術。而絕無求肖古人之形。其妙處無他。總在善
 悟而已。不善悟者。想來想去。只在竈上推求減之則。

並。我。別。集。卷。之。十。藏。板。
與。孫。贛。合。字。增。之。又。與。虞。詡。雷。同。欲。合。其。意。而。並。用。
之。又。無。半。增。半。減。之。法。惟。有。舍。古。從。今。別。行。其。道。而。
已。矣。孰。知。推。廣。其。意。竈。可。變。而。為。沙。神。明。其。用。增。減。
之。法。又。可。變。而。為。唱。竈。與。沙。增。減。與。唱。相。去。不。啻。霄。
壤。而。原。其。發。念。之。初。則。皆。出。于。一。法。豈。非。善。悟。之。所。
致。哉。噫。舉。一。隅。而。不。以。三。隅。反。者。其。人。皆。不。可。行。其。
而。並。不。可。作。文。者。也。

論謝朓何點何胤孰優

梁高祖時。徵謝朓暨何點何胤。俱不至。朓逃竄餘。

年一旦輕舟自出詣闕。以為司徒勸書令。采上書
其宅。宴語盡歡。船因陳本志不許。船素輕。頗不省
職事。衆頗失望。

絕乎
自古為然
痛切言之
幾今此
身無地
何必北山
事作始知
鶴鳴猿啼

笠翁曰。謝船一出。斷不可少。惟其出而失望。始知處
士善盜虛聲。試之以政。則能事見矣。倘如何點何亂
之終。于不出則所藏之船。盡變為巧。孰能窮其所備
哉。雖然。船之頗失民望。不待不肖職事時。其之即
輕舟詣闕。已盡見底裡矣。世有伊尹孔明之徒。肯逃
竄餘年而復輕舟詣闕者哉。其始也。儘可不逃。其後

也。儘可不。謂然則。逃之。諂之。者。爲何。曰。逃之。者。患得也。諂之。者。患失也。以此觀之。不過一患得患失之。鄙夫而已矣。烏可以處士目之哉。

余游心。韓處士。純盜虛聲。自古而然。樊英。种放。張與。郭之。流皆。臆類也。枯山。快絕。臆已爲。齊。臣。又諸。深。對。何。得。以。處。士。目。之。其。爲。群。時。以。難。耶。賦。人收。難。數。十。此。又。邵。夫。所。差。爲。也。王。聖。如。評。古。今。處。士。止。有。陶。潛。一。人。蓋。有。大。志。不。得。大。用。飲。酒。寄。傲。彭。澤。歸。田。若。幸。逢。聖。明。必。著。鴻。猷。照。耀。天。地。間。讀。其。咏。史。擬。古。諸。篇。曩。時。用。世。情。見。乎。詞。非。若。長。往。者。流。稿。木。死。灰。比。也。齊。梁。間。寧。復。有。此。

論梁武帝好生

先儒謂梁武帝不以生類爲樂不以犧牲爲祀不以仙人鳥獸之形爲衣其設心豈誠仁恕不過信佛氏之說求將來福報而已然一有取國之心至弑二君殺六貴而不之恤一有守國之心作浮山堰以灌壽陽緣百里內老少皆役死者相枕一曰潰決致數十萬生靈盡葬魚腹是之謂以其所不愛及其所愛也

黃震軒評
子嘗謂武帝一生最不好佛世

笠翁曰此古今通病不獨一梁武爲然凡信佛氏之言而戒食牛羊犬豕者強半殘忍爲心刻刻以嚼民

皆不信蓋
 先能信
 食噴噦關
 頭然後脫
 雖生老病
 死公案不
 然終日坐
 空而不見
 荷荷家城
 之畔佛竟
 何有耶願
 皆空翁言
 為普天證
 之

笠翁別集
 卷之十

三

藏板

為事是戒食牛羊犬豕者乃虛其腹以為食人地也
 且無論佛氏之言當信與不當信即使當信佛氏有
 宰殺之戒亦有貪嗔之戒世人僅守其一而不守其
 二何哉

施愚山評若以釋氏報應論梁武一生事事皆可
 入無間地獄荷荷餓死已足現報至子孫屠戮骨
 肉之禍千古無兩皆行一人作孽佛之待行如此
 是真佛之靈也後世躬為淫惡藉佞佛為護身符
 者可不鑒諸笠翁此論可以抹殺屠緯真矣
 王望如評佛西方堯舜也梁武則堯言而桀行者
 愛犧牲而不知驅民為魚豢能捨身而不能斷壽
 陽之一城受降為利賣其求和竭民膏以為浮屠
 碎民命以為精進貪其功德畢備殆畔佛竊佛
 而謗佛者乃為千古斥佛之口實佛何罪焉

論夏禹泣罪梁武泣囚

禹出見罪人下車泣曰堯舜之人以堯舜之心爲
心。今寡人爲君各自爲其心。寡人痛之。○梁武疎
簡刑法。自公卿大臣咸不以鞠獄爲意。好吏招權
弄法。王侯驕盈不軌。帝又尋精佛戒。每斷重罪。則
終日不憚。或謀逆事。輒亦泣而宥之。

至聖如評
泣罪心也
堯舜以來
同此心故
其泣也至
今有心者

笠翁曰。梁武帝泣囚。非止饒輻。蓋刻意摹倣古人。又
謂古人不足。取法必欲跨而上之。故泣囚不已。遂至
于茂法。不知泣罪之事。僅可偶行于夏禹。況至商周。

能泣之泣
因非心也
劉裕道
成之德
也起
心
安在哉

之世則人主雖有泣罪之心亦含其淚而不敢洒矣
何也民情日趨于薄則法度日趨于嚴此不得不然
之勢也上古畫地之風不可行于中古豈中古泣罪
之事獨可行于末世哉且禹之泣非泣罪人也泣世
道人心之日變也觀其言曰堯舜之人以堯舜之心
為心寡人為君各自為其心則非泣罪人可知奈何
不解其意而誤用之遂使無罪之人亦恃其姑息而
限于不義是以泣誤蒼生也此梁武帝好名之過後
世論人者豈得歸罪于佛氏而令與之分謗乎哉

周櫟園謂梁武行事只是一喚徒資後人笑柄猶可笑若嫁女奪女一事區區意淚慚愧于古汪北海評夏禹此梁武所以引其咎於已若曰吾惟不及堯舜故至此梁武所以問則我生平所犯或彼曰吾于有罪之人梁武所以問則我生平所犯或彼蒼亦可以從末減手近來佞佛者強半出此隅因笠翁之論而拈出之

論高歡遺慕容紹宗于其子太宗委李世勣于

高宗

渤海王高歡病篤謂世子澄曰侯景飛揚跋扈非汝所能駕馭也堪敵侯景者唯有慕容紹宗我國不貴之留以遺汝○唐太宗謂太子曰汝與世勣

無恩恐不能懷服。我故斥之歸田。俟我死。汝親往之。

至北山評

究竟紹宗

臨陣而放

侯景世勛

勸立武后

以傾唐宗

兩君留以

貽子孫者

適所以累

子孫也

謂神君全

不知人亦

可

笠翁曰。樹人如樹木。欲為子孫植梁棟。必須為祖為父者。澆培灌溉于先。使之日繁月盛。漸有根深蒂固之意。而後遺之子孫。子孫始得其用。未聞翦其枝葉而拔其根本。置之雨露不到之地。候子孫收而植之。而可以為梁為棟者也。魏高歡不貴紹宗。以屬其子。唐太宗故黜世勛。以貽其後。是與拔木遺子孫者何異。若曰。父薄之而子厚之。彼必盡忠于子。以報知遇。

云

此是確論
無能再翻

之隆若是則魏文帝之慮司馬懿謂其有狼顧相將
來必預家事亦可謂薄之至矣太子丕素與懿善不
以父訓爲然而親信如故亦可謂厚之至矣然則司
馬懿之盡忠于魏果何如乎不特無忠可盡而且弑
之奪之其報知遇之隆者又安在乎幸而紹宗世勛
皆能不宿舊怨盡力以事後主倘以不器于父者致
憾于其子幾何不爲司馬懿之續乎吾謂兩君所行
者皆駕馭英雄之方非貽厥孫謀之道也英雄于
望之後驟得顯榮必將有以自見其不至功成名立

而不已者非止爲盡忠報國亦欲自顯其能事耳故
凡待英雄者將欲進之必先退之將欲榮之必故辱
之此皆以一身行之之事非曰父退之而子進之父
辱之而子榮之也高歡之不貴紹宗太宗之偶黜世
勳此二事者皆行于垂暮之年不及再進而用之故
俱以屬子猶之行于一人之身也如此則不失爲明
君若曰故賤之而故黜之則其爲子孫謀者不惟太
拙亦太險矣

胡彥遠評若非笠翁發明此意則後世人君之愛
其子者皆效唐太宗及高歡所爲苟非其人則愛

之。適以害之矣。笠翁所言無一字不從世道人
起見。昔人謂窮愁著書。由是觀之。笠翁之窮愁
天下後世之福也。

論王通獻太平十二策

隋文帝時。王通獻太平十二策。弗納。通歸教授。
汾間。累徵不起。鍵戶著書。自號文中子。

笠翁曰。王通獻策不用。遂以教授終其身。亦可謂
君子矣。而獨以獻策一事。不理于文人之口。謂其
已而不能直人于道。可謂兩失。應苛矣。達則兼善天
下。士君子之志也。知其不可而爲之。亦古之聖賢下

忍薄待天下之心也。春秋列國之君孰能行孔孟之道而孔孟不忍棄之者以生平所學之道非君相不能行之也。亦觀其抱負何如耳。讀其書而想見其人亦非致君無術而僅以文詞干祿者也。惜隋文之不能用耳。

余濟心評王通之失不在獻策隋文而在借擬孔子若不隱居教授則亦什蔡之揚雄耳以文中子元經諸書即太元法言之類也皆吾所不取也若房杜李魏皆門人則又未可盡信

唐紀

論唐太宗周秦修短之議

言燬評

人謂蓋棺

論定以此

觀之蓋棺

以後止論

言之所自

始以其欲

辨無口而

唐太宗論周秦修短蕭瑀對曰紂為不道武王征

之周及六國無罪始皇滅之得天下雖同失人心

則異上曰公知其一未知其二周得天下增修仁

義秦得天下益尚詐力此修短之所以殊也蓋取

之或可以逆而守之不可不以順也

笠翁曰太宗之言發蕭瑀之論更急不特謂明義暢

亦可垂訓將來何也若據蕭瑀之言謂得天下以正

者其視必長則後世子孫皆可使祖宗之庇善亦久

不善亦久而修德保邦之事皆可不為矣謂得天

一聽
之
得
為
懷
復
之
去
人
矣

下以逆者其祀必不長則後世子孫皆咎祖宗之失
善亦難久不善亦難久而修德保邦之事亦不可不
必為矣烏可以訓後世哉故以增修仁義益尚詐力
二語補其言之不逮亦因太宗有自知之明知其所
以得天下者未必遠過于秦宋可竊比于周欲以幹
蠱蓋愆之事屬之後世子孫故為此論然實英主之
言也乃猶有好辨之家責其非是者謂武王應天順
人以仁義取之亦以仁義守之而太宗謂其取之以
逆豈非失言噫謂太宗原謂周得天下增修仁義

增之爲言蓋加其所固有非益其所本無謂取之不以仁義而復增修之也何嘗謂其不以仁義又曰取之或可以逆或之爲言不盡如是之謂也謂取者不盡以逆而或以逆蓋指嬴秦而言何嘗道及周武認褒爲貶而誣直爲曲以修其雖黃之口快則快矣其如古人之抱屈何哉

論唐太宗以弓矢建屋喻治道

太宗謂蕭瑀曰朕少好弓矢得良弓十數自謂無以加近以示弓工乃曰皆非良材朕問其故工曰

木心不直則脉理皆邪。弓雖勁而發矢不直。朕始
悟向者辨之未精。朕以弓矢定四方。識之猶未能
盡。况天下之務其能遍知乎。乃命京官五品以上
更宿中書內省。數延見問以民間疾苦。及政事得
失。又嘗指殿屋謂侍臣曰。治天下如建此屋。營構
既成。勿數改移。苟易一椽一瓦。踐履搖動。必有所
損。若慕奇功。變法度。不恒其德。勞擾實多。

王望如評
李世民若
生周衰定
與桓文嬖
笠翁曰。三代以後之人。君舍德勿論。而專論其才與
識。則未有出唐太宗之右者矣。觀其論樂。論周秦修

也論焉矣
以愛民爲
心世民可
謂也愛人
者乎堅不
建治立基
端本也民
大本先撥
所賴以扶
植者極盛
極礎之堅
耳是以再
傾雖屢扶
屢植而終

短論焉矢建屋無一不本人情不合至理不可垂
將來器人主能言治道者無代不有然皆本于詩書
得之聞見者言人所既言者也若太宗之言皆詩書
所不載淵見所未經字字從性靈中發出不但不與
世俗雷同亦且耻與詩書附合真帝王中間出之才
也宋儒因其大節有疵遂謂所言盡詭于道無一語
一字不非議之噫孔子聖人尚謂言之可聽者不當
以人廢而我輩庸儒未嘗其聖人之一體而觀人論
人之手眼反欲高出聖人數倍亦何其太不知量乎

唐三百年
之室有如
破壁頽頽
所謂無基
而厚地也

望溪先生集卷之十

三

藏板

卽千人萬人道其不是子終有慕乎是君而有生不
同時之恨也

又曰有是君有是臣唐太宗之才與識固不可及矣
而魏徵之才識又足以輔翼之觀其願爲良臣勿爲
忠臣亂民易化治民難化天下未定專取其才天下
既定兼取其德諸論皆是開荒闢昧語無一字經人
道過然俱有至理存焉後人明知其是而強欲非之
不過依傍聖賢襲取現成字句到處攻人之短凡有
意同于聖賢而詞別于經史者卽呼爲叛道離經不

可。取。法。殊。不。知。天。下。之。名。理。無。窮。聖。賢。之。論。述。有。限。
若。定。要。從。聖。賢。口。中。說。過。方。是。名。理。須。得。生。幾。千。百。
箇。聖。賢。將。天。下。萬。事。萬。物。盡。皆。評。論。一。過。使。後。世。說。
話。者。如。蒙。童。背。書。梨。園。演。劇。一。字。不。差。始。無。可。議。之。
人。矣。然。有。是。理。乎。哉。吾。獨。曰。魏。鄭。公。之。言。無。一。字。倣。
聖。經。賢。傳。無。一。語。非。訓。誥。典。謨。與。唐。太。宗。所。言。皆。所。
謂。作。而。不。述。者。也。君。臣。道。合。相。得。益。彰。真。千。古。一。時。
哉。吾。正。不。能。不。神。往。耳。

論魏徵才行之對

太宗謂魏徵曰。爲官擇人。不可造次。用一君子。則君子皆至。用一小人。則小人競進矣。對曰。然。天下未定。則專取其才。不考其行。喪亂旣平。則非才行兼備。不可用也。○范華陽曰。有才無行之小人。無時而可用。退之猶懼其或進。豈可先用而後廢。乃取才行兼備之人乎。徵之學。駁而不純。故所以輔導其君者。卒不至于三王之治也。

余澹心評

宋儒議論

迂闊所以南渡後壞

笠翁曰。吳起貪財好色。而文侯用之。卒以破秦。陳平盜嫂受金。而高祖用之。終以興漢。魏鄭公天下未定。

於講道學而不振故予子古今
人品中寧取真奸雄不取假道
學也假道學爲誰范華陽之類
是矣

專取其才之說未爲失也。而華陽范氏力斷其非。然則天下未定。將來尾生孝已其人而用之乎。如欲得尾生孝已其人而用之。則見吳起陳平其人。必當斥而逐之矣。吾恐我國之不用者。敵國且虛左以俟之。我國之必用者。敵國且閉關以拒之。以虛左而俟之。人敵其閉關以拒之人。勝負之數。可不戰而決矣。吾謂范氏之論。或如蘇秦之說。齊張儀之說。魏爲敵國之君。行反間。則可。若曰爲本國計得失較興喪。則吾未見其可也。

王望如評魏鄭公不能從太宗於始不獲事建成以終雖相業有光究竟是有餘而行不足者其對世民確是真話若信范華陽之論不惟蘇張其舌者不用并董賈其木者亦黜

論唐太宗殿庭教射

太宗論將卒曰朕使汝曹習弓矢居閒無事則爲汝師有事則爲汝將因日引數百人射于殿庭羣臣諫不聽

笠翁曰吾觀唐太宗殿庭習射一事不怪其失人君之體疎殿陛之防而怪其悔過之不嚴居心之太忍何也高祖之天下以智勇謀畧得之而太宗之天下

則以一箭得之者也不記伏兵玄武門射殺太子建
成之事乎夫兄弟比之手足語云蝮蟲螫手壯士斷
腕腕爲自己之骨肉寧肯無故而斷之乎祇以毒流
不已勢必傷及全軀故不得已而斷之然未斷之先
未嘗不惜既斷之後未嘗不痛痛定而見斷腕之器
未嘗不欲擲而去之恐賂物而自傷其心也建成惑
于人言數有圖秦之志太宗處此是蝮蟲螫手之時
也欲不斷腕不可得矣乃于斷腕之後而不去斷腕
之器且佩之服之不肯斯須去身是何殘忍其性而

刻薄其心。歟。觀人必于其微。吾以是知太宗之殺建
成。非但不可比周公。亦且不可擬管蔡。明乎其為利
天下之心也。吾于帝王之中。取其才與識而已矣。

張夢匪評。予嘗謂笠翁有三別。觀人有別。眼論事
有別。見行文有別。勝人或不信。謂予譽之太過。茲
論以是論。質之史。載其文曰。殿庭敘射。則古。今。于
萬人之目。力皆注于射的之上。而笠翁所見獨在
建成受傷之肢體。非別眼而何。他人就事論事。不
曰殿庭非習射之地。即曰天子非敘射之人。是舍
殿庭無可言之地。余敘射習射。無可議之人矣。而
笠翁獨以元武門三字定其案。射殺建成四字正
其事。非別見而何。他人即具是眼。即持此見而不
能援引一事以證之。則其言雖具至理。而不能取
信于天下。品無以服古人之心。而笠翁又有蝮蟲
螫手一喻。足以破情理之常。而證手足之變。非具

別賜者而能若是哉。今而後舉筆翁者必多而信予言之不謬者亦不少矣。

論魏徵十思十漸

十思謂人主見可欲則思知足將興繕則思知止處高危則思謙降臨盈滿則思抑損遇逸樂則思樽節在宴安則思後患防懼蔽則思延納嫉讒邪則思正已行得實則思樹喜而倍施刑罰則思因怒而濫兼十思而選賢任能可以無爲而治矣。又見上志漸不克終上疏諫曰陛下貞觀初清靜寡欲今索驥馬訪珍怪一漸也初愛民如子不輕

營爲頃既奢侈肆用人力二漸也初役已以利物
今縱欲以勞人三漸也初親君子斥小人今褻小
人遠君子四漸也初不貴異物不作無益今難得
之貨難進玩好之作不息五漸也初求士如渴今
由心好惡六漸也初無田獵之好今馳騁爲樂七
漸也初遇下有禮今顏色不接或詰細過八漸也
初孜孜求治今長傲黷武九漸也初頻年霜旱戶
口如故今疲于徭役閭中勞弊怨離十漸也疏奏
上深加獎歎報曰朕今聞過矣願改之以終善道

以疏列爲屏幃庶朝夕見之兼錄付史官
使萬世知君臣之義乃賜黃金十斤廐馬十匹

堯翁曰十思一疏語稍平常頗不似魏鄭公手筆至
十漸一疏命題立意皆迥異常人纔不失魏鄭公本
色畢竟太宗有眼付史官而書屏幃者在十漸而不
在十思以十思有所依傍而十漸無所效尤也至于
敢言不諱從諫如流皆廟堂中僅見之事何物唐朝
竟有如是之君臣安得不令人神往也

論魏徵王珪事太宗

魏徵嘗勸太子建成早除秦王及建成敗世民名
 徵問曰汝何為問我兄弟對曰先太子早從徵言
 必無今日之禍世民重其才引為詹事主簿亦召
 王珪為諫議大夫

全唐心評
 論
 師文自亦
 當大服若
 建之早
 則已立為
 君與建成
 不同矣然
 原其失著
 總是唐高

立翁曰魏徵受命為東宮之臣及建成敗復事太宗
 議者譏其北面事讐失人臣之義予曰是則是矣然
 魏徵之事讐與他人之事讐有間其罪猶可原也蓋
 魏徵所受之命乃高祖之命非建成之命也建成太
 宗均是吾君之子太子可事庶子未嘗不可事其事

無才無識
使早立世
民為太子
豈有喋血
禁門之事
哉
之祀高祖
殺之非大
宗殺之也

建成與事太宗皆從高祖起見非從建成太宗起見
也使建成已嗣帝位太宗從而弑之則徵必無可事
之禮建成未立而見殺為之君者尚儼然有高祖臨
之背其主而事其讐于義固為不合然事其君而讐
其子于理亦未甚安故曰魏徵之事讐與他人之事
讐有間然則為徵計者當如何而可曰徵之出也當
俟高祖名之不當自太宗名之即太宗有名亦當俟
高祖強而後出斯為允當奈何以一代之名臣而苟
且于去就之間使後世愛我之人不能終掩其非而

子之以是也

王望如評魏徵始為李密記室當太原陷後豪傑之日不知往從真主一失也密敗歸唐事建威不告以太伯之賢宋襄之事但說其擊敵立功結豪傑以自固二失也具此二失而望其以身殉主申大義于天下難矣然終不以其出處之小而沒其相業之大

論唐太宗圖功臣于凌烟閣

圖功臣于凌烟閣長孫無忌元王孝恭杜如晦魏徵房玄齡高士廉尉遲敬德李靖蕭瑀段志玄劉弘基屈突通殷開山柴紹長孫順德張亮侯君集張公謹程知節虞世南劉政會唐儉李世勣秦叔

寶等共二十四人先儒謂凌烟閣諸臣蓋象二十四氣所以輔天而弘化也長孫房杜諸公用兵以開國謀謨以保邦功雖大小不同亦可當茲選矣獨恨李世勣贊立武后幾覆唐宗侯君集輩躬爲反賊死有餘罪何太宗知人之不替耶此宋儒議其務名而無實也

笠翁曰。圖畫功臣于傑閣。令後代者。見之猶凜凜然。若有生氣。亦盛舉也。然以惡逆者之。不當立之于死後。不當立之于生前。而只當立之于後。王不當立之于

于前主何也。凡人必于蓋棺之後始可定論一息尚存其忠佞邪正尚未可知也。如漢之霍光爲麒麟閣諸臣之首且姓而不名可謂尊之至矣其後忽有縱妻毒后之事至于滅族若唐之李勣暨侯君集諸人皆凌烟閣諸臣之表表者也孰知贊立武后躬爲反賊者卽其人耶。夫至惡蹟昭彰之後將毀之乎抑存之乎將欲毀之則啓作輟無常之謂可見當年之論列杳不足憑將欲存之則有薰蕕並器之嫌徒來後世之譏彈一無可貴使皆立之于身後則是非允協

萬代不磨。寧有此弊乎。又有謂于者。曰所謂圖畫功臣者。欲仿其貌而視之也。其人既死矣。又何從仿其貌乎。余曰。不然。自有轉通之法。在凡屬汗馬諸臣。當在元勳之列者。皆當預仿其貌而藏之。俟蓋棺論定之後。始登傑閣。否則委而棄之。如是則爲功臣者。盡欲保其令名。以圖不朽。孰肯爲霍光李勣諸人之事哉。此砥礪勲臣之良法也。但未審書生之言。果有裨于廟謨否耳。

論唐太宗自觀實錄

太宗謂監修國史房元齡曰。朕欲自觀國史。知前
日之惡。爲後來之戒。公可撰次以聞。朱子奪上言。
謂以此法傳示子孫。或有飾非護短。史官不免刑
誅。則莫不順旨。全身千載。何所信乎。上不從。元齡
乃與許敬宗等。刪爲高祖今上實錄。上之上見書
六月四日事。射殺建威之事語多微隱。謂元齡曰。昔周公
誅管蔡。以安周。季友燬叔牙。以存魯。朕之所爲。亦
類是矣。史官何諱焉。卽命直書其事。

笠翁曰。太宗欲觀實錄。冀得自聞其過也。及見六月

之襟而出
其肺肝
于老迄

四日事語多微隱而令史臣無諱又似欲自彰其過
者乃引周公誅管蔡季友鳩叔牙爲此是明示史臣
以意令照此法書之則知開過彰過之言皆偽而實
欲自文其過也夫太宗之事與周公季友之事果同
乎異乎如其同也則史臣盡欲彰君之美將大書特
書之不暇又何諱焉如其異也則諱之猶爲黨惡况
其引善事以飾其非乎吾謂太宗欲觀實錄其意無
他不過固有六月四日一事抱愧于中惟恐史官以
直筆書之不加粉飾故欲自寬一過投意于人以輕

代文其過耳。此光明較著之事。奈何後人不覺。各此大過。弗論而以不當觀史之小節論之。以受古人之欺乎。此論一出。是太宗欲蓋而彌彰矣。

論唐太宗論將

太宗謂侍臣曰。于今名將。惟世勣。道宗。萬徹三人而已。世勣。道宗。不能大勝。亦不大敗。萬徹。非大勝。則大敗矣。

黃石公評

笠翁此論

以益明管仲范蠡三

笠翁曰。太宗既以名將許三臣。而復示以褒貶。其褒世勣。道宗也。則曰不能大勝。亦不大敗。其貶萬徹也。

則曰非大勝卽大敗。予曰太宗諸論皆是獨此數語
爲非。夫勝敗兵家之常。古之善行兵者但能保其多
勝。不能保其不敗。沛公百戰而百不勝。一勝遂至于
王。重瞳百戰而百勝。一不勝遂至于亡。由太宗之言
而論之。則是重瞳可稱名將。而沛公不得稱名將矣。
世有一戰不敗之名將乎。如有其人。吾必不敢與其
晨夕。何也。知其不敗則已。敗則未有不爲重瞳者也。
有醫士謁余。余詢之曰。汝自挾刀圭以來。曾傷人乎。
醫士曰。未也。予曰。然則子非華陀。特庸醫者流。初試。

全錄身卷之十一
其業者耳。三折肱爲良醫。子一肱未折而欲求試于人。吾敢以身爲礪石乎。此論醫之言也。亦可引而論兵。人皆曰敗兵之將。不可以言勇。子獨曰欲求勇士。必于敗將之門。

論蘇章之案事張鎮周之治百姓論者以爲善

處情法之間而東萊之論獨異

漢薊州刺史蘇章有故人守清河犯贓章置酒與飲故人曰人皆一天我獨二天章曰今夕飲酒者私情明日按事者公法遂正其罪州郡肅然。唐

張鎮周爲舒州都督。以舒州本鄉里。因置酒召諸親酣飲。散髮箕踞。既別。泣曰。今日猶得與故人歡飲。明日則舒州都督治百姓矣。自是他人犯法。一無所縱。境內肅然。

黃石公評
以酣飲爲
約莊論奇
而止

笠翁曰。二事之優劣判然。而東萊呂氏概責之曰。始則過和。終則過刻。是涇渭皆濁。而陵谷皆平矣。蘇章飲。故人以酒而卒正其罪。真所謂公私莫辨。而情法混淆。是出于理法人情之外者也。蓋我受之官。乃朝廷之官。彼犯之法。亦朝廷之法。既曰犯。則非故人。

乃罪人矣。以朝廷之命官與朝廷之罪人飲酒。有是理乎。既與之飲酒。是互相酬酢之賓主矣。以稱觴獻爵之主人而按嘉賓以嚴法。又有是理乎。卽蘇章猶在責以矯情玩法。知亦無從置喙耳。若張鎮周所召之人。乃都督之懿親。非朝廷之罪犯也。世有以本地之人做本地之官。拜命之後。與親知不謀一面而遽然以官法臨之者乎。先名之飲而後示以威。此一定不易之理也。况與之酣飲。非酣飲也。勉其奉公守法。以杜後日梗化之端。是以一杯酒當三令五申。與一

紙書賢于十萬師者等也。奈何不加贊歎而反施責備之詞哉。噫。至人千慮必有一失。東萊先生之謂也。

高宗立武氏。遂良叩頭極諫。論者議其有未盡焉。

高宗爲太子。見才人武氏。悅之。太宗崩。武氏出爲尼。上幸寺見之。納爲昭儀。欲立爲后。褚遂良曰。先帝託臣曰。佳兒佳婦。今以付卿。非大故。勿廢也。武氏經事先帝。衆所共知。萬世而下。謂陛下何如主。因擲笏解巾。叩頭流血。不聽。問李勣。勣曰。此陛下

家事何必更詢外人許敬宗亦云田舍翁多敗
斛麥尚欲易妻况天子乎上乃貶遂良廢后立之
○胡致堂曰遂良忠矣然昧于消息盈虛之理
壯勿取之義若當武氏長髮之時率協羣公上書
皇后沮止其事深諫高宗割制邪欲其勢必可遏
也當其時而不治及事既成雖叩首出血無益矣
笠翁曰遂良之諫愷切極矣妙在萬世而下謂陛下
何如主何如主三字是不特諫而諍之幾于唾而罵
之矣不特唾而罵之亦且羞而辱之矣使非良心盡

汪北海評
古云事前
易為忠事
後為為智
胡氏之論
事後之智



